

Atuisunut akit aalaakkaasumik suli ineriartorput, ukiup affaani kingullermi 0,7 pct.-mik qaffassimallutik

2016-imi januaarimi atuisunut akip naleqqersuutaa aamma naleqqersuut akinut iluarsiissut (iluanaaruteqanngitsumik akip naleqqersuutaa).

Ukiup affaa kingulleq, 2015-imi juulimiit 2016-imi januaarimut atuisunut akit 0,7 pct.-imik qaffapput, ukiup siuliani piffimmumut sanilliullugu appasinnerusumik, tassani qaffariaat 0,9 pct.-ivoq.

Akitigut qaffariarfiit annertunerit nioqqutissani ukunani pippumut: *Sukkut mamakujuttullu il.il.* (chokolaatit, lakreditsit marcipaanillu) (pisiassat taakku akii 12,5 pct.-imik qaffassimapput) *Naatitat* (naatsiat, pomfrittis qerisut inerititallu qerisut) (taakku akii 2,9 pct.-imik qaffassimapput) aamma *Paarnat inerititat* (paarnarsuit mandelillu) (2,7 pct.-imik qaffattut). Nioqqutissanissaaq ataasiakkaani akitigut apparartoqarpoq. Nioqqutissani apparfiunerpaappumut *Atisat isikkatigullu atukkat* (-1,5 pct.-imik) apparfiusut, taamatullu *Nioqqutissat allat, sullisinerillu allat* (-1,1 pct.-imik) apparfiupput.


Nioqqutissaqatigiinni immikkoortuni akinik allannguinerit akinut ataatumut isigalugit assigiinngitsunik sunniuteqartarput.

Nioqqutissaqatigiit akinik qaffaanermik eqqorneqarnerusut makkuupput, *Sukkut mamakujuttullu il.il. assigisaat* akip naleqqersuutaanut 0,30 procentpointinik sunniuteqartut, *Inigisaq* (soorlu innaallagiaq inigisanullu akiliut) 0,09 procentpointinik sunniuteqartut aammalu *Assartuineq* (soorlu bussinut billettis timmisartunullu billettis) 0,09 procentpointinik sunniuteqartut. Atuisunut akip naleqqersuutaata apparneranut sunniutaasut nioqqutissanit makkunaneerput *Nioqqutissat allat, sullisinerillu allat* (meeqqanik paaqqininneq) -0,10 procentpointinik sunniuteqartut.

Ukiup ingerlanerani akitigut ineriartorneq

2015-imi januaarimiit 2016-imi januaarimut atuisunut akit 1,2 pct.-mik qaffassimapput. Tamanna 2014-imi juulimiit 2015-imi juulimut ukiup ingerlanerani qaffariarneq ukiup siulianut sanilliullugu appasinneruvoq. Taamani akip allannguutaa 1,4 pct.-iusimavoq.

Qaammatit aqqaneq marlukkaarlugit akit allanngorarneri procentinngorlugit



Naleqqersuut akinut iluarsiiissut

Naleqqersuutip akinut iluarsiiissutip ineriartornera atuisunut akip naleqqersuutaanut sanilliullugu allaavoq, ukiup affaani kingullermi naleqqersuut akinut iluarsiiissutip qaffannera atuisunut akip naleqqersuutaanit appasinneruvoq.

Naleqqersuut akinut iluarsiiissut 2015-imi juulimiit 2016-imi januaarimut 0,5 pct.-imik qaffappoq, tamanna atuisunut akit naleqqersuutaannit 0,2 procentpointinik appasinneruvoq. Nikingassut annertunerpaaq nioqqutissani *Sukkunit mamaku-juttullu assigisaannit* pivoq, tamatumani naleqqersuut akinut iluarsiiissutaa 6,2 pct.-imik qaffappoq, nioqqutissani pineqartuni akit naleqqussarnerinut atuisunut akigitap naleqqersuutip 12,5 pct.-inik qaffattoq.

2016-imi januaarip aallaqqaataa sioqqullugu akitsuutitigut qaffaanerit aamma 2016-imi januaarip aallaqqaataata kingorna akit allannguutaat

2016-imi januaarip aallaqqaataa sioqqullugu akitsuut nioqqutissanut ukununnga: Chokolaatit mamakujuttut sunoorsit qummoroortaatillu atulersinneqartoq saqqummiussami ilanngunneqarpoq.

Ikummatissat akiisigut appaanerit, 2016-imi januaarip tallimaaniit atulersinneqartup kingunerisai, saqqummersitami matumani ilaanngunneqanngillat, akinut allannguummi 2016-imi juulip aallaqqaataani saqqummersussami aatsaat saqqummiunneqassallutik.

Periaaseq

Atuisunut akip naleqqersuutaata ataatsimut naatsorsornerani, nioqqutissat ilaat ilaminnit naatsorsuineri naleqqersuutaat qaffasinnerusarpoq. Nioqqutissat assigiinngitsut akiisa ineriartornerat, allatut oqaatigalugu soorlu issingiassat aaqqatillu naleqarnerisa pingaassusiat assigiinneq ajortoq. Nioqqutissat ataasiakkaat naleqqersornerat atuisunullu akip naleqqersuutaata naatsorsornera www.stat.gl iserfigalugu paasisaqarfigiuk.

Akit pillugit kisitsisitigut paasisuissat pdf-fiilitut Naatsorsueqqissaartarfiup nittartagaani paasisarsiorfigineqarsinnaavoq, taamatuttaaq kisitsisaataasivik <http://bank.stat.gl> iserfigalugu. Annertunerusumik paasisutissanik ujartuisoqasaguni Naatsorsueqqissaartarfiup pisortaa Anders Blaabjerg emaili abla@stat.gl atorlugu imaluunniit oqarasuaat (toqqaannartoq) 34 57 81 atorlugu saaffigineqarsinnaavoq.